



## Կ Ե Ր Պ Ա Ր Վ Ե Ս Տ

ՍԵՓԱԿԱՆ ՆԱԽԱԶԵՌՆՈՒԹՅԱՄԲ (ԿԱՄԱՎՈՐ) ԱՏԵՍՏԱՎՈՐՄԱՆ ՆՊԱՏԱԿՈՎ  
ՈՒՍՈՒՑԻՉՆԵՐԻ ՔՆՆՈՒԹՅԱՆ ՀԱՐՑԱԹԵՐԹԻԿԻ

## ՈՒՂԵՑՈՒՅՑ

ԵՐԵՎԱՆ 2022

## ՆԱԽԱԲԱՆ

Ուղեցույցում ներկայացված են 2022թ. «Կերպարվեստ» առարկան դասավանդող ուսուցիչների սեփական նախաձեռնությամբ (կամավոր) ատեստավորման հարցաթերթիկի կառուցվածքը, տրված են առաջադրանքների կառուցվածքային տեսակների նկարագրությունը, տարբեր կառուցվածք ունեցող առաջադրանքների պատասխանի գնահատման չափանիշները և դրա լրացման կարգը, առաջադրանքներում ընդգրկվելիք ծրագրային նյութի շրջանակները:

Ուսուցիչների ատեստավորման հարցաթերթիկի կազմման համար որպես հիմք են ընդունվել «Կերպարվեստ» առարկայի հանրակրթական դպրոցի առարկայական ծրագրերը:

### ՀԱՐՑԱՇԱՐԻ ԿԱՌՈՒՑՎԱԾՔԸ

Հարցաթերթիկը պարունակում է 60 առաջադրանք, որոնցից հնարավոր է վաստակել առավելագույնը 67 միավոր: Բովանդակային առումով հարցաթերթիկում առկա են «Կերպարվեստ» առարկայի հանրակրթական դպրոցի ծրագրի բոլոր բաժինները.

- Բնօրինակից նկարչություն
- Թեմատիկ նկարչություն
- Դեկորատիվ նկարչություն
- Արվեստի պատմություն և տեսություն

Հարցերը պարունակում են նաև գծանկարի, գունանկարի, ծեփակերտման, մանրանկարչության, դիզայնի, ազգային տարազի շրջանակները շոշափող հարցեր:

Կառուցվածքային առումով առաջադրանքներն ունեն հետևյալ հիմնական տեսակները. բաց հարցեր, ընտրովի պատասխանով և կարճ պատասխանով առաջադրանքներ:

### ՀԱՐՑԱԹԵՐԹԻԿԻ ԼՐԱՑՄԱՆ ԿԱՐԳԸ

Ընտրովի պատասխանով առաջադրանքների դեպքում ճիշտ պատասխանին համապատասխանող վանդակում հարկավոր է դնել X նշանը: Միևնույն առաջադրանքի համարի տակ մեկից ավելի նշում կատարելու դեպքում տվյալ առաջադրանքը գնահատվում է 0:

Կարճ պատասխանով առաջադրանքներից յուրաքանչյուրի ճիշտ պատասխանի համարին կամ համարներին համապատասխանող վանդակներում հարկավոր է դնել X նշանը:

Որոշ առաջադրանքների դեպքում պահանջվում է գրել համապատասխան թիվը կամ տառը:

### ԳՆԱՀԱՏՄԱՆ ՉԱՓԱՆԻՇՆԵՐԸ

Այն պատասխանները, որոնք պետք է շարադրի ուսուցիչը կգնահատվի ըստ հարցի հիմնական բովանդակության գաղափարի առանցքային դրույթների առկայության դեպքում:

**Հարց 1-ից 2-ը** գնահատվում է հետևյալ կերպ. 7 ճիշտ պատասխանի դեպքում տրվում է 1 միավոր, 8 ճիշտ պատասխանի դեպքում՝ 2 միավոր և 9 ճիշտ պատասխանի դեպքում 3 միավոր: Եթե պատասխանում առկա է ընդամենը 6 և պակաս ճիշտ պատասխան, ապա ոչ մի միավոր չի տրվում:

**Հարց 3-ից 5-ը** գնահատվում է հետևյալ կերպ. 3 ճիշտ պատասխանի դեպքում տրվում է 1 միավոր, 4 ճիշտ պատասխանի դեպքում՝ 2 միավոր: Եթե պատասխանում առկա են 2 և պակաս ճիշտ պատասխան, ապա ոչ մի միավոր չի տրվում:

**Հարց 6-ից 9-ը** գնահատվում է հետևյալ կերպ. Յուրաքանչյուր ճիշտ պատասխանի դեպքում տրվում է մեկ միավոր ընդամենը (առավելագույնը) 2 միավոր յուրաքանչյուր հարցի համար: Օրինակ.

**Ո՞ր ժանրին է պատկանում տվյալ ստեղծագործությունը և ո՞վ է հեղինակը:**

**1-2 միավոր**



- 1) \_\_\_\_\_
- 2) \_\_\_\_\_

**Հարց 10-ից 29-ը** գնահատվում է 1 միավոր յուրաքանչյուր հարցի բոլոր ճիշտպատասխանների դեպքում:

**Հարց 30-ից 60-ը** գնահատվում է հետևյալ կերպ. յուրաքանչյուր հարցի ճիշտ պատասխանի համար տրվում է 1 միավոր: